



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

V. Die Novembris.

**urn:nbn:de:hbz:466:1-9625**

## V. DIE NOVEMBRIS.

P. MARTINVS  
DE BANNOS.

5 Nouemb.  
Hispanus  
anno. ætat.  
40. Soc. 15.

Vocatio.  
Charitas.

Mortific.

Paupertas.

Manè.

Oratio.

**C**um Societatem flagitaret, aiebat, se duabus potissimum de causis illam experere: primo, quòd singularis quædam animorum, charitatisque coniunctio in illa vigeret, deinde quòd mortes sociorum audisset esse felices. Madriti Collegij Ministrer, deinde Nouitij Magister præfuit Nauacarneri. Effusa charitas illum infimis quibusque laboribus, ac officiis onerabat. Si quis ad agros noctu enocaretur, ibat ipse ne alij excitarentur. Singulis mensibus, cum rei vestiarie Ministro obibat cubicula, & introspiciebat, ministrabatque, si quid deesset. Nouitios amanter ducebat ad aspera, mirabili significatione suauissimæ charitatis, ac exemplis. Assiduè se quæ in triclinio, quæ in cubiculo afflictabat. Atque, vt de flagellis nil dicam, thorax illius intimus deprehensus est fuisse ex aculeis, spinisque confertus. Per iter sine viatico, pedes, mendicus, exemplum erat paupertatis. Cum alios regeret, vestis illius erat omnium reliquorum Sociorum vestibus magis vetusta, magis trita. Indusio quoque non alio, quàm omnium crassissimo, ac frustis assutis oppleto est vsus. Inter verrendum, id faciebat scopis breuibus, vt se magis affligeret. Manè aliis à somno experrectus, iam ille vnam horam in oratione posuerat. Orabat positus humi genibus, iunctis ad pectus manibus, oculis humi fixis, aperto capite ac inclinato, idque frequentissimè coram sanctissimo Sacramento,

die, ac nocte. Nullam exhortationem habuit ad alios, ad quam se non parasser oratione trium, vel quatuor horarum. Inde illi fiammæ ab ore, ac viua quædam verborum copia exundabat.

P. MICHAEL  
LÆTAVALLE.

**H**unc Pater Octavius Caietanus Martyrologij sui pag. 136. 5. Octobris ponit, aitque ab illo moriente visos Angelos. Alij 5. Nouembris illum collocant. Ego de illo scripsi ad quintum Octobris.

Italus Syrcusis. vid. 5. Oct. Mort. Angli.

P. FRANCISCVS  
DE PETRIS.

**C**um Legatis à Pontifice in Indiam reducibus eò penetrauit, & in Sinis præstantes vtilitates peperit Christianis. Xancei ab armatis Latronibus domum inuadentibus, noctu securi in capite vulnus accepit. Coadiutori in Societate firmando, affirmatè dixit se à B. Virgine ad Societatem (vt ei videbatur) inuitatum, disertis verbis dicente: *Ingredere, agedum Filij mei Societatem, & in ea vocatione perseuera* Nec aliud videre potuisse vnde vox veniret, quàm imaginem Dei Matris ad se loquentis. Extremo in morbo hymnum Beatissimæ Virginis ad alterum lecti latus appendi iussit, vt eum iteraret. Mortem suam sanus tum adhuc non semel prædixit, euentu ita secuto.

Italus Xancei. 5. Nou. 1594.

Fidei.

Vocatio.

B. V.

Mort.

P. STE-



## P. STEPHANVS

PAEZ.

Hispanus  
Limæ. 5  
Nou. 1614.  
ætat. 67.  
Societ. 50.

B. U.

AD animarum salutem vsus est  
Acultu Deiparæ singulari; cuius  
Sabbata, panis, & aquæ leuamento  
contentus, absque cibo alio traduce-  
bat, à Deipara multifariam sepè adiu-  
tus. Ad perfectionem per heroicas de  
se ipso relatas victorias, humilitate,  
ac se afflicti contentione maximâ  
nitebatur. In rectione fuit haud re-

missus, verum vigore charitatis ple-  
nus, efficax, atque ad omnem disci-  
plinæ domesticæ apicem curatè ser-  
uandam attentus. Erga ægros chari-  
tatis tantæ vt ipse sociorum vlcera  
suis manibus curaret. Semper anhe-  
labat ad Deum; apud quem paratum  
sibi inter sanctos Patriarchas locum  
diuinitus vidisse fama est. Adfuit  
mortui exequiis fœmina famâ eximie  
probitatis celebris, & sibi videre est  
visa sanctum P. Ignatium, qui ab ara  
Stephano obuiam veniebat, cum gra-  
tulatione summâ excipiens.

Superiore

Charitas

Prædestin.

S. P. Ignat

Mort.

## VI. DIE NOVEMBRIS.

## ALPHONSVS

OVANDVS NOVITVS.

6. Nouemb.  
Hispanus  
Limæ. 1614.  
ætat. 17.  
Societ. 1.

B. V.

Mortific.

Oratio.

Vocatio.

Mortific.

Oratio.

Huius virginitas cum egregio er-  
ga Dei Matrem studio coniuncta  
illum sui corporis tyrannum fecit.  
Septem aliquando cilicijs inno-  
cens corpusculum vndequaue cir-  
cumdabat, & assiduâ verberatione  
adeò lacerabat, vt fuerit vnum vul-  
nus. In nullam legem nostram pec-  
care est visus, nec vnquam otiosum  
verbum loqui auditus. Per Beatissi-  
mam Virginem insigni orationis dono  
excelluit; & solâ Deiparæ cogitatio-  
ne obiectâ, fluebat in cordis tenerri-  
mam voluptatè. Quicquid verò a-  
gebat, offerebat manibus Deiparæ,  
vt ei seruiret in omnibus, & placeret.  
Tabulis nudis indormiebat, ad oran-  
dum nocte consurgens.

## P. IOANNES

AMIEV.

IN Syriæ missionibus per annos duo-  
decim magno impendio labo-  
rauit. Matrem expiratam ad Ecele-  
siæ complexum iam, antequam ille  
proficisceretur adduxerat. Alepi Soda-  
litiæ duo Maronitarum erexit; ter-  
tium Armenorum: Francorum verò  
cœtum restituit. Missionem Damas-  
cenam, ac Tripolitanam instituit; Si-  
doniam constabiliuit: ibique Franco-  
rum Sodalitium posuit, per multa per-  
pessus. Familias, integras, quâ à Ma-  
hometho quâ à Græco Schismate,  
item Apostatas ab exitio, ad fidem  
adduxit. Vniens illi domi erat, isque  
necessarius nummus argenteus, illum  
illè pauperi dedit, & eodem die sex  
argenteos nummos vtrò sibi datos  
accepit. Vestis illi è nigra tela, citra  
vllum respectum humanum: somnus  
parcus, isque in storea, sine linteis in  
æstate: fortis contra linguas innocen-  
tia; pedes, vel offendiculo, vel spinis,  
per itinera sæpius cruentati. Turca  
illius

Gallus in

Syria. 6.

Nou. 1550.

ætat. 67.

Societ. 46.

Fides.

Zelus.

Misericordi.

Mortific.